



PCN ta selebrá logro importante den desaroyo di hotèl na Saba

Ku selebrashon di Pannenberg riba 26 di yùni na e anterior Scout's Place na Saba, Fundashon Pensioenfonds Caribisch Nederland (PCN) a selebrá, completamente segun e tradishon den konstrukshon, e punto mas haltu di e proyekto di desaroyo importante aki. Huntu ku esaki a desvelá ku hopi orguyo e nòmber nobo di e edifisio, 'The Scenery Hotel', den presensia di miembronan di Entidat Públiko Saba, interesado- i otro invitadonan.

E sitio di e resort, ku ta rondoná pa naturaleza impreshonante di Saba i ku bistanan panorámiko den interior di e isla, oséano i Mount Scenery, ta brinda un skala na posibilidat pa ofresé futuro wéspetnan un eksperensia inolvidabel i úniko di Saba.

Durante e evento festivo Susanne Thijssen di Thijssen Design a hiba tur wéspet presente na un forma dibertido riba un biahe konseptual ku finalmente a kondusí na diferente diseño ku a eksponé durante e seremonia. E hotel lo konsistí di 30 kamer i suite ku a diseña kuidadosamente, un piscina 'infinity', un sala Scenery i un restaurant.

E lema 'Elevate Your Senses' ta fortifiká e eksperensia úniko ku Saba lo yama su futuro wéspetnan bonbiní den e hotèl nobo aki den un esfera luhoso, komfortabel i trankil. Lo akabá e imáhen di henter e resort ku kolo- I materialnan ku ta pas ku e elementonan natural di Saba. Pa hasi e transformashon completo a skohe pa un nòmber nobo pa e hotèl-butik: 'The Scenery Hotel', inspirá pa Mount Scenery, e punto mas haltu di Reino Hulandes.





Malinda Hassel, direktor di Ofisina di Turismo Saba, tokante e importansia di e desaroyo aki: “‘The Scenery Hotel’ lo bira un adishon bunita na e demanda turístiko di Saba, di manera ku e lo oumentá e atrakshon pa nos isla serka bishitantenan di henter mundu. E importansia di un akomodashon nobo i di kalidat haltu pa Saba ta krusial pa e posishonamente di e marka adishonal di nos isla. Investigashon di merkado resien a mostra ku tin un oumento signifkante den e demanda pa fasilidatnan stail di butik pa diferente gruponan meta, manera personanan riba luna di miel, amantenan di buseo, aventureronan, biaheronan pa spa i ku ta biaha nan so l biaheronan 50+ ‘luho’. Si nos por yama tur e gruponan aki bonbiní na Saba, esei lo engrandesé e demanda pa turismo konsiderablemente. ‘The Scenery Hotel’ ta habri kaminda pa un futuro interesante i nos ta den espektativa di kulminashon di e proyekto grandi aki”.

Durante e selebrashon PCN a elogia tur trahadó di konstrukshon i representantenan di QBR Joint Venture B.V., un koperashon entre un kontratista di Saba i un di Kánada i a yama nan danki pa nan esfuerso. Segun espektativa ‘The Scenery Hotel’ lo yama su promé wéspetnan bonbiní mei mei di 2025. Pa e siguiente fase PCN lo kontinuá e negosashonnan ku potensial operadónan ku ta aspirá un ròl den e hotèl nobo.

Meskla di invershon

PCN ta desidido pa keda lokal, banda di su invershonnan riba merkadonan finansiero internashonal, invertí riba islanan BES.